


BAKURUBASANNI

(nimoro 12 songo)

Mali kono = Dōrōmē 300

Afriki kono = Dōrōmē 600

Jamana were = Dōrōmē 1000



Kunnafonisében bota kalo o kalo. BP: 24 Téléfoni : 21-21-04. Bozola Bamako-Mali. San 26nan boko 317nan A songo : dōrōmē 15

Moti maloseneda n'a gelyaw

Togodaw yiriwali ni jiko minisiri ye Moti «ORM» ka tōnsigi 13 nan nemaaya ta mēkalotile 19, san 1998. Tōnsigi in tun be tōnsigi temennéen kobolodalenwkan, in'a fōsan 1997-1998 waleyaw, ani san 1997 wari konew, ani 98-99 baara ketaw, ani 98-99 wari bōtaw.

Moti «ORM» ye taamasen kura ta san 1997, walasa ka baara bolodalenw tiime, i'n'a fō malosene yiriwali sira caman fe. O siratige la benkansében do be goferenaman ni «ORM» ani waribola ce. «ORM» be baara ke o hukumu kono. Nin bee lajelen be fesefese tōnsigi ninnu senfe.

A jirala k'a fō ko «ORM» ka san 97-98 baaraw ni sababa ma ben k'a sababu ke sanjiko ye; ko yōrō dōw la sanji ma laboli ke; ko yōrō dōw la ji cayara fō ka forow tūnun ji fe; ani kono ni ninew. O kama «ORM» ka yōrō senenenew na malo tōni 12.740 sorō ani no tōni 2591 san 97-98, ka sorō san 1996-1997 malo tōni 19238 sorō ani no tōni 9315.

San 1998, «ORM» b'a fe ka taari 17.500 sene, tōni 26.000 ka kan ka sorō min na malo ni no faralen nōgōn kan. A fōra tōnsigi in senfe ko do ka fara dabilennin senele kan, k'a sababu ke a nena kosebe san 97-98 kono. Ni senekelew ye dabilennin feere, u be balo san n'o wari ye.

Senekelew ka mogō minnu tun be kene kan, olu kumara kosebe juruko kan, ani kono, ani benbaliya min be senekelew ni bagantfigiw ce. U y'a nini faamaw fe, u ka feseré nini kono la, sabu kono be ka caya kojugu, wa u be ka daga an fe yan. Ninew fana be ka tijeni ke kosebe. «ORM» ka senekelew ka juru be se sefawari miliyon 862 ma, kabini san

1972 fō 1990. Senekelew minnu sonna «ORM» ka juruko ma, olu ka juru sarali bēna boloda. Minnu t'a fe ka juru sara, olu ka forow be mine u la. Min ye forobabaarakelaw ye, «ORM» ka juru be minnu na, olu ta be nēnabo u ka sara kojew nēnabo ciyakeda la. Min ye jagokelabaw ye, ko feseré kerenkerennenw be ta ka nēsin olu ma. Baganw dumunikeyoroko n'u temensirako fana y'u danmako wērew ye cikelaw bolo kōrō. Min ye kono ko ta

fan ye, a jirala ko ka kono nagaw bee jeni.

Tōnsigi in jenna ni san 98-99 wari bota konew ye. N'iye 100 ta, ib'a sorō 9,46 farala wari bota sorolen kan.

Baara ninnu kuncédon, Minisiri Modibo Tarawele y'a nini «ORM» fe, a k'a jija ka nōsene yiriwa kosebe, ani ka senekelew lamen sanga ni waati bee lajelen na.

M. Kulubali ani Badama Dukure

Mōnni be ka fanga sorō

Moti mōnnike seriwsida, n'o ye «OPM» ye, o y'a ka laadala tōnsigi 15han ke. A nēmogoya tun be kungo nijiko minisiri Modibo Tarawele bolo. A jirala ko gelyaw be «OPM» kan, i'n'a fō ji donbaliya ani «BNDA» ka juru minnu be mōnnikelaw kan na. O kōson jēge caman ma se ka sorō. Jēge songo gelyawara togodaw la ani dugubaw kono. Nka gelyabu ninnu ma «OPM» bali ka jēge bila ka taa jamana kōkan; o hake be se tōni 300 ma.

Tōnsigi in ye gelyaw bee lajelen fesefese : «OPM» ka mōnnikelaw

kanna juruw be se sefa miliyon 321 ma. Juru dōw donna kabini san 1987. «BNDA» y'a jira ko ni juru kōrō bee ma sara ka ban, ale te juru kura don mogosi la. Mōnnikelaw tun y'a jira ko «BNDA» ka jen a ka juruw ko. Nka tōnsigilaw ma son o ma. Benbaliya min be mōnnikelaw ka tōn fila ni nōgōn ce, o ye tōnsigilaw jōre kosebe.

Mōnnikelaw y'a jira ko «OPM» ka kuma u ni nōgōn ce, u ka fōkaben ke.

Tōnsigilaw y'a nini «OPM» fe a ka izini lawuli. U y'a nini k'u ka jinitaw jaabiw sorō, minnu tun be ka ke jēgetulu boli kan. Modibo Tarawele ye tōnsigi in kunci ni laadilikan ye ka nēsin «OPM» ma, a k'a hakilito mōnnikelaw la.

Gelyaw n'u taa bee, «OPM» ka kan k'a jija jēgeko fe, sabu jēge ka di kosebe togodalamogow ni dugubakōnomogow bee ye.

Badama Dukure ni
Moriba Kulubali.

KIBARU Téléfoni nimoro : 21-21-04

Nfirifirinin bε ka koɔri nafa dɔgɔyà

Nfirifirinin
dɔ bε ka
dankari koɔri
nafa la. A tɔgɔ
ye ko
«heliyotisi»,
koɔri senelaw
b'a sɔdɔn
kosebe; a
denw ka jan i
n'a fɔ



bolojɔnin; o bε bɔ nfirifirinin fan
kɔnɔ. N'a bε ka koɔri feere dun, a bε
lasa kosebe. Ni nfirifirinindenw ye
koɔri feere dun, a bε ja, ka laban ka
sa. Kabini fɔlɔ, fɔ sisā
fənjenamafagalān de tun bε kε k'ū
kεlε. Fənjenemafagalān dɔ bε yen
ko «siperimetirini», o tun ka teli u
fagali fε kosebe.

Senekelaw b'a dɔnko fənjenamā
bε juguya setanburuni okutoburu la.
U b'u laben k'ū makɔnɔ. Nka jinan
Benen, Burukina, ani Mali
koɔrisene law y'a jira ko
fənjenemafagalān tε fosi kε
fənjenemā ninnu na. U y'a ne
senekelekkolidenw ni mogɔ
faamuyalenw ye. Olu tun y'a kε
fənjenamafagalān nɔ ye, sabu
sisā «siperimetirisi» bε dilan fan
bεs fε.

Jininikɛlaw y'a jira ko
«siperimetirisi» tε fosi kε fənjenamā
in na. Ko nin ma bala mogɔ
faamuyalenw na, sabu olu b'a dɔn
ko «piretirinoyidi» tε fosi tijɛ
fənjenamā inye, Lamerikenjamana

kan, Tayilandı, Indi ani Pakisitan.
«Siperimetirisi» sen b'ɔ furaw la. San
1994, jininikɛlaw y'e fənjenamā ninnu
dɔw minɛ Kodiwari, ani Burukina, k'ū
laje k'a sɔrɔ fənjenamafagalān in tε
fosi k'ū la. A nefora koɔri baara
nemogɔye; nka u ma se ka wuli a ko
fε joona.

Bi, Piyeri Pibaka y'a jira ko
fənjenamako in ka jugu yɔrɔ dɔw la
ka temen yɔrɔ dɔw kan. Olu ka yɔrɔ la,
a ma juguya. Nka Safane mara la, a
ko juguyara kosebe.

O yɔrɔ senekelaw bε koɔri furakε
tile saba o tile saba, wa u tε ji caman
kε fənjenamafagalān na. U bε litiri 2
walima litiri 3 kε ka taari kelen furakε;
ka sɔrɔ fɔlɔ, litiri kelen tun wasara. U
bε koɔri sira kelen-kelen bεs furakε u
danma; ka sɔrɔ fɔlɔ u tun bε sira 3 ta
nogɔnfε.

«Sifilex», n'o ye Burukina
koɔrisene da, ka fənjenamafagalān
ye, o bε fənjenamā in faga, k'a to
ntumuya la. Fɔlɔ, «siperimetiri» tun
bεnfirifirinindenw faga sanga ni waati
bεs a ne bεs ma.

Tile 15 o tile 15, u tun bε
koɔri furakε, o tun bε wasa kε.
Bi, a ka teli ka nfirifirininden
misenmanw de faga kosebe,
fanw tɔrɔlen tile 4. Ni tile naani
temenna ka sɔrɔ u ma faga,
«siperimetirisi» tε se u la tugun,
sabu u delila fura in na ka ban.
A bε san 15 bɔfura kelen dε bε
fənjenamaw la.

Cogoya 3 de b'a ko la. Min

ka nogɔn, o ye fura yεlemaliye; nka
o musakaw bε caya kosebe.
Fənjenamafagalān tɔw sɔngɔka ca
keme o keme ni 30 walima 50 ye ka
temen «siperimetirisi» kan. U bε se
ka na ni koɔri nafa nagasili ye.

Cogoya sabanan ye koɔrifurakεli
yefanwtɔrɔwaati. Nka, otε se ka ne
fɔ senekelā ka a hakilito koɔrisunw
na sanga ni waati bεs lajelen na,
walasa a ka se ka koɔrifurakε kabini
fənjenamadenw dɔgɔmannin, an'u
fannamaa.

Ntumu ninnu yeli ka nogɔn ka
temen fan kan. A tε se ka ne fɔ a ko
bεs ka ne fɔ senekelā ye. Nin
kelelicogo kera Ositarali ka
temen. Yen jamana kan, senekelā
2000 de bε koɔri sene. San o san u
bε nogɔnkunben dɔ sigi senkan. U
ladɔnniyalen don cogo bεs la.

Ni wulikajo ma kε, a ko la, a bε
juguya ka t'a fε. Jinan koɔri nafa
dɔgɔyara keme o keme ni 30 ye. O
kera yɔrɔ la, nfirifirin ka jugu yɔrɔ
minnu na; o bε yɔrɔ 50 bɔ.

Badama Dukure

Kodiwari cikelaw togolasow bee bilama b'u togokoro doron de bolo

Kabini Kodiwari jamana y'a yere ta, cikelaw togolasoba sigira Abijan, k'a bila cikewo minisiriso ka hukumu kono. A tor'o bolo kan, fo ka na yelema don a la san 1994 la. Otuma la, utogolaso kelen dayelela jamana marabolo 10 kelen kelen bee kono, k'olu fara u ka nemogosoba sigilen kan, Abijan dugu kono. O yelema siratige la, u kunkow bee n'enaboli late'menna u yerew ma, ka forobabaarakelaw sen b'a la. Marabolo 10 bee n'a togolaso don cogo o cogo, a kelen sit fosi ke, ni nemogosoba ma ladonniya, a ka b'a kalama. O b'i n'a f'u yere damaw cekow, an'u ni jagokelaw cekow, fo ka s'u ni kokanmogow cekow ma, n'o ye jamana werew cikelaw n'u jagokelaw ye. Ub'u ka sannifeerew baaraw bee k'u yere koro, ka jate damaw bila, ka taa nemogosoba la. O mogow de b'u ni fangaso ani seriwsidaw ce. Olu de be kuma u togola. Olu de b'u haminankow lase faamaw ma, ka faamaw ka jaabiw da u tulo kan, ka fokaben basigi bee ni jogon ce. Ab'o cogola, kokankow fana la. Olu de be taanikasegin ke jamana kono, an'a kakan. Fangaso be cikelaw bolomademe nafoloko la. Osiratige la, san o san, sefawari miliyon 320 de be di u ka nemogosoba kuntigi ma. Ni nemogosoba kamusakaw bora wari la, a to be tila, a kofasa kan, marabolow ni jogon ce. O tilali de te k'a kecogo la tuma dow la. Dow t'u niyoro hake don. Dow b'a hake don, nka, a dafalen te d'u ma. A jirala ko san 1997 la, marabolo 10 bee la, sefawari miliyon 2 doron de dira marabolo 8 kelen kelen bee ma. A marabolo to fila ka warisorolen hake ma fo. Hali n'a y'a soro miliyon 2 dira olu fana kelen kelen ma, marabolo 10 bee ka warisorolen be ben miliyon 20 de ma, min te surunya hali a miliyon 320 jaaka la. O wariko ye siga don marabolow ni nemogosoba ce, ka masoro, fen o fen for'u ye wari donyoroko n'a boyoroko la, o m'u kelen si kun mine. Jigitige ni tigernogonna ani muruti bora la. O

nogorin kan, kenyereyew y'u sendon cikelaw togolasoka baaraw la, kabini marabolow kono, foka se nemogosoba yere ma. O kenyereyew ye izinitigwi ni jagokelaw n'u jogonnaw de ye, n'olu de ye nafolotigi magobatigw ye, minnu te dese fosi la, fo n'u y'uban. U donna cikela fen o fen kan, olu bora nogo la, ka sor'u ma wuli ka b'u sigiyorow la. Kabini o bonogela walew donna, cikelaw y'u nemada jogon ma. Nafolotigi magobatigw fana y'u nemada jogon ma. O tor'a senna, fo cikelaw y'u togolasow bila, k'u nesin u yerew magow n'enaboli ma, kenyereyew ka bolo kan. Mogote taa tonsigiyoro la tugun. Marabolow kuntigi yerew te ye tuma si nemogosow kono. Osowlabilalentora ten u bee tor'u togo koro de bolo. Fangaso be kafe ni kakawo ani senefen tow songo sigi, cikelaw te fen fo. Fangaso be yelema don cikewo baarada bolofaraw la, cikelaw te fen fo. A ker'i n'a fo nemogow t'u la. U da te kuma la, u sen te ko la. U yeredamaw tigera jogon na. Mogow y'u bila jogon na, k'u konorosuruku jogon kuma, wali fangalamogow kuma. O mogow donnen don ka koro. O ye nafolotigi magobatigw, politikimogominnu te fanga sigilen fe, marabolotigw ni dugutigi minnu fana te fanga sigilen fe, forobabaarakela lasiglenkoro minnu kera cikela karabalenw ye, suko ni duguje ce, ni se b'u ye halisa, ani kokandemela natabaw. Mogote si te sor'u la, min be fen kalama, a yere ka marabolo cikelaw togolasokow la, kuma t'u ka nemogosobakow ma. U togolasoko kuma f'cogo juguyemarabolocaman kuntigi lamaloya. Olu de jera ka seben do ci fangaso ma, n'o ye goferenaman ye. O kera san 1997 marisikalo la.

O seben kono, uy'a nini fangasofe, ko sanni san 1997 desanburukalo ka se, n'o benn'u ka Abijan nemogosoba kuntigiba sigili waati dafali ma, u k'o yere lasigi segesegeli kene kan, k'a nininka wariko la, a k'o yoro lajeya, sanni wote kura ka ke. San saba o saba, wote be ke, ka nemogo kuraw

sigi kuntigisoba la, Abijan, ani marabolo kelen kelen bee kono. Ut'a don n'u ka nemogosoba kuntigiba, n'o togo ye Singo Maniga, o bena sigi kokura, wali n'a bena wuli. Ut'a don n'olu yerew fana bena sigi kokura, wali n'u fana bena wuli. O kama, u ye seben ci faamaw ma, walasa warikoka segesegel, ka nedon sann'u k'u kodon jogon na. Tuma minna usigilen be k'uka seben jaabi makono, seben do bora jamana kuntigiso la, min be wele ko «dekere», ni peresidan yere bolono b'a la, n'a jenseenna san 1997 nowanburukalo la. O seben b'a jira ko cikelaw togolasow bee, kabini marabolow kono, fo Abijan, olu nemogow sigili waati yelemarra, k'a lajanya, k'a bo san 3 la, k'a ke san 6 ye. Okoro yekomogow tun sigilen be ka wote min makono san 1997 desanburukalo la, o ma ke tugun. O wote dabilala kun min na, o ma fo mogoye. O temennen ko, peresidan ka seben ma fosi fo segesegeliko kan, kuma te cikelaw ka nemogow kodoncogo u yerew togolasow la, k'u nesin u yerew magow ma. A ko balala Kodiwarika bee la, cikelaw fara forobabaarakelaw ani kenyereyew kan mogosi ma se k'a faamuya, mun de koson peresidan yeninko. Peresidan te se ka nininka cogo si la.

Hali n'o be ke, o taasiraw ka ca kojugu. Ni ko kera jamako ye nin cogo la, mogo soro ka gelen, min b'i jo n'a kunko ye. N'a ma fo k'i ye togogninina ye, a be fo k'iye yerejiranci ye. O kama bee ta tor'i kono. A be mogo minnu nesira la, olu ma fen fo, u ma fen ke, kuma te tow ma, minnu t'a nelen n'a telen bo jogon na. A kera cogo o cogo, peresidan y'a jo sen min kan, o benna dow ma, a ma ben dow ma. San 1997 banna k'u to bolo min kan, san kura 1998 nana k'u to bolo kelen de kan. O koro ye ko yelemaliko kuma t'a la, bee k'i sagonakow ke.

Raphaül N'Guessan
ani Amadu GANI Kante

Manje ye jiriden ye, min lakodonnen te kosebe farajela



Farafin jamanaw n'u njogonna funtenima jamanaw ka jiridenw bëe la, manje, n'o ye «papaye» ye, o de lakodonnen te kosebe farajela jamanaw kono. A damadow be soro jamana minnu kono, o ye Peyiba, Angileteriani Alimaniye. Ojamanaw konomogow bëe kelen - kelen ka manje dunta jate minera k'a ke garamu 25 ye san kono. O te hali lenburuba kuru kelen tilance bo. Faransi jamana min dalen be nin jamana saba kan, manjedunkola, o konomogominnu te manje yere yelen don, o deka ca. Faransikaw te manje soro ka caya. Okoro te k'ut'a fe. Nka, u t'a soro cogo n'a soro yoro kalama. Odey'uka manjedunta hake dogoya ni farajela yoro tow ye. Nin bëe de kama, jate minera, k'a jira ko Faransi min ka bon, n'a konomogow ka ca ni yoro tow ye, o ka manje dunta kera toni 842 dama de ye, san 1996 mumé kono. Manje jagobaga minnu be farafinna ani yoro werew la, olu

be geleya caman soro manje laseliko la farajela. O de b'a ke ni manje te soro, ka caya a yoro dow la. O geleya do ye manje donitasara cayali ye awiyon na. Ale mo ka teli cogo min na, ni awiyon te, a donini, bolifén wëre

la, o ye faratiba ye. O yoro ye geleya do ye. Manje te se ka lamara, ka mëen, n'a ma tijé. Ale be san k'a dun a hake de la. A geren te dun. A molengo jugu te dun. O be nooni. O de la, ni sanbaga jönjön te manje jagobaga min bolo farajela, o be siran, k'a camanta, ka masor'a t'a don, n'a bëna sanjoona, wali n'a tena sanjoona. N'a tijéra, o ye jagokela mago saleny. Abaara te kufebaara ye. A te ne yere laben kó, kabini manje karicogo, a lasagoncogo, yorojantaama kama, a lamaracogo n'a lakanacogo feereliyoro la. O yere laben musaka caya o caya a b'a kunbo, ka masoro, nafa be manje la farajela. A ka di farajew ye cogo min na, n'utun b'a soro ka caya cogo min na, a kuma tun te bo farajela, ka n'a da farafinw tulo kan, Ni mogo minnu y'a kuma men, k'u laben a kama, sira labilalen b'olu ye cogo bëe la. O siratige la, u k'a don ko wari be soro'

la. Manje kilo kelen be feere Faransi sefawari dörömë 400 fo dörömë 500 ka soro'bara kelen min ka ca ni kilo 2 ye, dörömë 100 te don o la Bamako, kuma te yoro tow ma, Mali kono. O yoro dow yere la, waribô te somogosama la. Obekarimanjesun yere la, ka segi fa, k'o d'i ma, hali barikada t'a la.

Jatemineko siratige la, jamana minnu ye manje toni hake ninnu feere farajela, san 1996 kono, olu file :

Berezili ye manje toni 4.894 feere farajela; Zamayiki ta ye toni 1.359 ye; Gana ta ye toni 780 ye; Kôdiwari ta ye toni 221 ye. Farajela manjeko bëe be nin jamana 3 lakodonnenw de bolo sisan. Olu y'u laben a kama cogo o cogo, a deselen be yoro dow la, wali, a te se yoro dow la. O de ka ca kosebe.

Nin bëe la, balonafamako tigilamogow y'a jira ko manje ye jiriden nafama ye, ka masor'a bëe ye ji duman dörön de ye, sugaro ni kogo döönin be min na, k'o fara witamini suguya fila kan. O fôlo ye "witamini A" ye, min ka ni hadamaden ne fila ma, ka masor'a b'u banakise bëe faga, ka nekisew saniya. A filanan ye "witamini C" ye. O be funteni don farikolo la, k'a sinsin, k'a keneya. Nin witamini nafama fila kama, an bëe ka kan, ka tugu manje la, k'a dun tuma bëe. A be soro yoro bëe la. A da man gelen. O be ke sababu ye, k'an galabu keneya don o don, ka t'a fe.

Marie Agnès Leplaideur
ani Amadou GANJI Kante

Furusa cayara kojugu Nizeri jamana kono fo tanga bora kan

Sariya tigilamogo minnu nesinnen be furusakow ma Nizeri jamana kono, olu y'a jira ko muso keme kulu kelen o kelen minnu be taa furusa nini Name dugu komini kelen doren kono muso minnu b'olu la, ni kiiritigelaw b'u ka furu sa, o b'a ta muso 5 la, fo ka se muso 10 hake ma. Tuma dow la a ka ca n'o ye. Furusakow kiiriw be ke nteneani tarata. Jatamine la, furu 10, wali 20 de be sa dogokun o dogokun Name komini kelen-kelen bee kono. Name kominiw ka ca cogo min na, n'i ye jamana dugu tow fara olu kan, i b'a donkofurusata hake cayara kojugu, fo tanga bora kan. Ni yoro kelen de tun don, o be se ka faamuya doonin. Nka, yoro bee de don, Nizeri jamana kono. Mog'o si te furusa jate baasilako, wali dabalibanko ye tugun.

Tanga bora kan, ka sor'a ka jugu muso furusalenw n'u denw bee ma cogo bee la. Furusa be muso danbe bee b'a la, k'a nani, fo k'a korobo. Hali n'a te denw ke falatow ye, a b'olu ke yatime suguya dow ye, minnu t'u ka denya diyabo.

Olu de laban be ke bolonkonoden tijelenw ye. Sariya tigilamogow y'a jira ko n'i ye muso furusalenw tila keme kulu kelen ye, i b'a sor'o la, muso 70, fo ka se muso 80 ma, olu wolosi be san 20 ni san 30 furance la. O b'a jira k'a bee ye musodenmisenniw doren de ye, minnu negebor'u cew la. Ni ce y'i fa musola, fo k'a negeb'a la, fura t'o la farajogonna ko, a diya n'a goya la. Muso kalannenko t'o la, kalanbaliyako t'o la. A be muso suguya bee kun kan. K'a ta baarakelaw la, forobakunda, wali kenyereye kunda, fo ka se gadonnaw, jagokelaw, bololabaarakelaw, ani lakolidenw ma. Muso minnu te fen sor'u yere ye, ni jigiya t'u la, furusa ka jugu olu dema kosebe, sanko n'ucowy'un'u denw gen. Olu caman be sungurunbaya ke, k'u yerew n'u

denw balo, ka d'a kan, ni furu sara, sariya be balosara min bin cew kan, n'o b'a ta sefawari doren 400 na fo ka se doren 2.000 ma ce dawt'o wari d'u ma, a cogo n'a waati la. Muso minnu be segen o wari pinini na, fok'a dabila, o de ka ca. Ni sariya tigilamogow y'oce masinaw wele, ut'e kuma jolenw fo. U b'u ka segen nefo, k'acaya, k'o sababu ke wariko geleya ye, ka sor'a waridili man di u ye. Muso fen o fen be taa furusa nini, olu bee ka kumaw ye kelen ye. U bee b'a fo, k'u cew b'u to yen, ka tugu muso werew ko dugu kono, u ka fisna ni minnu ye cogo bee la, ka masor'o olu de ye furumusow ye; ko cew mago t'u la, u t'u balo, u t'u feerobo, u t'u furake; ko n'u kumara, furusa de be dajira u la; k'a laban y'o furusa kelen de ye. O man di minnu ye, n'u b'u sigi, ka segenw muju, olu de ka ca. Demebaga t'olula, set'uye, dabalit'u ye.

Ni furu gelevara cogo do la, fo k'a ke juguya kise bilen ye, a salibe wajibya sariya ni diine ani laada sira saba bee kan, ka masor'o furu bee be siri o sira saba dama de kan. Walasa ka cogoya sor'o furusa cayaliko la, Nizeri muso minnu ye kiiritigelaw ye, olu ye jekulu dosigisenkan, min be weleko «AFJN» n'a bolofara be jamana marabolo kelen - kelen bee kono.

Muso minnu toorolen b'u ka furuw kono, olu kisicogo furusa ma, wali olu demecogo u ka furusakow la, u b'olu de bilasira. Omuso minnut'a sariyaw don, hali n'u kalannen be, o de ka ca. O temennen ko, wari t'a caman bolo fana ka awoka ta, wali k'u ka kiiriw musakaw sara. U be nin bee ke gansan, ka masor'u fana jigi dalen be demebaga numanw de kan, jamana kono, an'a kokan. U be furu damadaw kisi sali ma cogo o cogo, u te se k'u sago sor'o, k'o sababu ke wariko geleya jigu ye, min be cew dese u musow koro.

Ibbo Daddy Abdoulaye
ni Amadu GANI Kante

«ORTM» ka sigidoolo

Ajaratu keli «ORTM» ka ninan sigidoolo ye, o ma bala mogosi la. A kera sibiridon «Pale di Kongere» la. A kera kunnafonilaw minisiri jena, n'o ye Madamu Asikofare Ulematu Tanbura ye. Ajaratu girinya ye kg 55 ye; a kundama ye metere 1 ani santimetere 85 ye; a be kalan na sanfe lekoliso la. Kalamannin jinitaw tun ye 400 ye, ale ye 371,5 soro.



Kolosilikelaw kuntigi Sheki Hamala Ture y'a jira ko Ajaratu ye kolosilikelaw bee wasa; a n'a ka yele magan n'a ka saramaya. A y'a sarali min ke jama la, o fana y'a jira ko a kalannen don kosebe.

Ajaratu n'a ka dakabanan fini bo o bo, tegere be fo a ye. A ye miliyon 1 ni ko soro, ani donbolo caman werew. Min dara Ajaratu Nene Tali kan, o ye Fatimata Sire Kuyate ye. Ale ye waa keme ni mugan soro. Ni Ajaratu si be san 19 la, Fatumata Sire Kuyate ta be san 18 la; a kundama ye metere 1 ani santimetere 73 ye; a girinya ye kg 45 ye. Ale ye kalamannin 336 soro; a be kalan na «Buyagi Fadiga» la.

Fatumata Sire Kuyate ye dankan sabanan min dan doonin, o togo ye Kanku Konate; ale ye kalamannin 334,5 soro; a kundama ye metere 1 ani santimetere 75 ye; a girinya ye kg 50 ye. Ale be kalan na «Noturu Damu» la. Ale ye sefa baa biwooro soro. Nin mog'o 3 minnu ye nekun mine, a kelen-kelen bee ye sefa waa tan ni duuru soro.

Y. Dunbiya ni Badama Dukure.

Sunkōrō musow ka tile 45 balikukalan

Kabini marisikalo tile 19, san 1998, Sunkōrō musō 20 n'u karamogōke Manbi Dumuya ye tile 45 balikukalan ke Sunkōrō dugu kōnō. Kalan in sigira senkan k'a sababu bōdugu nēmōgōw ka césiri la ani dugu cew ka faamuyali



Sunkōrō musow ka kalan foto

kéko numan. Ben ni kelenya kera sababu ye ka do fara Sunkōrō ka yiriwali kan.

Kalan nin musakaw bēe bōra «CMDT» ka bolo kan; i n'a fo kalankéménenw, karamogō ka sara

n'a ka musakaw; kalandenw ka dumuni ani musaka misen wērew. Kalan in kera sababu ye ka Sunkōrō musow sōn dōnniya la. Sunkōrō cew n'a musow ye ne Mameri Dumuya bona kosebe.

Sunkōrō ye dugu ye, min césirilen don sēne, baganmara, shemara ni namasasene fe. Olu ye baara nafamabaw ye. Sunkōrōtile 45 kalan kera sababu ye ka dugu sōn tōgo la, k'a dawula, ani k'a yeelenbo. Ne Mameri Dumuya y'a kolosi ko

Sunkōrō musow bē kalan fe kosebe. Ne Mameri Dumuya bē Sunkōrō cew n'a musow bēe fo, k'u waleñumandōn.

Mameri Dumuya
Donbanila-Dogo-Buguni.

Fanga forobayali

Nin kuma in fora ka caya jamana kōnō bi; fanga bē forobaya cogo di ? Jamana sariyaba da ser'a ma; n'bena a dakun dō de fēse-fēse ka lase aw ma. N'a fora ka fanga forobaya, a temensira ka ca; a dō ye ka se di dugumogōw ma, u yere k'u hakilijagabo u ka dugu dilansiraw kan. Ni dugumogōw ye naniya min siri u ka dugu dilanni na, fanga bē sed'uma, u k'o naniyaw waleya, n'a m'a k'enitjeli baaraw ye. Dugu kōnō, baara ketaw tē fangasanfēmōgōw dōrōn ka ko ye bilen. Dugumogōw de bē baara ketaw nēmōgoya, ka temensiraw jira, ka baaraw waleya. Musow fana ka kan k'a dōn ko mogō si tēna u ka dugukōnōbaaraw k'u ye. Dēmē bē se ka lase u ma, nka u yere de ka kan k'u naniyaw jira, ka wuli k'u césiri olu waleyali la; ka to dugu kōnō, k'a dugu baara n'o ye. Bēe ka kan ka yiriwalibaaraw k'u kundoni ye. O de bē fanga forobaya.

Sungalo Tarawele
Balikukalan karamogō
Faradala - Nuni Kulukōrō.

Dōrōgu kera dumuni ye

Dōrōgu ye fēn ye fēn min bē hadamaden bō a sawura la, k'a halaki, k'a kē lagalagato ye, k'a kē dōnbagalafili ye, k'a fara fatōw kan. O bēe lajelen temennen kō, fōlōfōlō, a tun bē fo ko an ka togodaladenmisēnw b'u yēredōn; o tun ye fōlō ye, an bē don min na i ko bi, danbe jumen de b'an togodaladenmisēnw na ? An y'an mansaw danbe tīnē, kuma t'an yēre ma.

Ne b'a nini jamana nēmōgōw fe, u k'u jija cogo bēe la, ka dōrōgu kēle ka bo an ka togodawla. N'oma kē, jamana in bē segin kō, k'a sababu kē baloko ye, Ala k'an kisi o ma. Bawo n'i y'a mēn sēnekēla, saridabaw ni sarimisiw de b'an dēmē. N'an denmisēnw y'olu ban feere la, k'o don dōrōgu la dun ! A dun fora ko sēnekēla dēmēnna yesēnekēmēnēw ye.

Ni sēnekēmēnēw feerela ka don dōrōgu la, yali sēne bē taa nē wa ? Ni sēne ma taa nē, jamana o jamana kan, o jamana tē taa nē janko an ka jamana. Nin ko in ka kan ka lajē ji nēmajōlen na, n'o tē an ka jamana bē kē «bikadi sinikago» ye. Ala kan kisi o ma.

N balima sēnekēlaw, aw ye sabali, baara bē kē mogō fe, ka fēn sōrō, ka sōrō i ma taba min, ka sōrō i ma furakise jēmannin ta. Aw t'a dōn ko dōrōgu bē mogō faga ka sōrō i sadon ma se ? An k'a faamuya k'a fo Ala y'an ladiya ka temen an mansaw kan, bawo anw bē fēn min sōrō sisan, olu tun t'o sōrō fōlōfōlō; nka olu bēna fisaya n'an ye, bawo olu tun b'u yēre dōn. An k'an miiri an faw n'an baw kōngōtōla an ka dōrōgu k'an tana ye.

Burulayi Fōnba
Wasala - Dogo - Buguni mara.

Laadilikan

Nin yelaadilikan ye ka nesin faamaw ma, minnu be taa nisongo mineli la cikebugudaw la; bawo u te wuli nisongo jini na fo n'a fura waati min na koi denmuso ka kono sera, walima i denke ka muso kono sera. U be wuli k'i mine ka taa n'i ye u fe yen. O ye fen ye, min ye maloyakoba ye; bawo bamanan bee sigilen don ni nisongo sarali ye san o san.

Obee lajelen be senna waati min na, jagokelaw be do bojo songo la, bawo u b'a don ko jo de be feere, ka ke nin musakaw ye. Nka don min na ni senekelaw wulila nosan fe, o b'a soro u ye do fara no songo kan. N'i y'a soro no ye dorum 10 ye, u b'a ke 15 ye, walima 16, walima 18. An be waati min na sisani, o ye cikelaw ka nosan waati numan ye de.

Gonba Tarawele

Dribugunin - Kolokani mara.

SEFAWARI JAASIRA

Farafinna jamana tan ni naani de jelen be sefawari la. Faransi de b'a wari kumabo; Faransi wari tama kelen tun be ben sefawari dorum 10 ma.

Zanwiyekalo tile 10 n'a tile 11, san 1994, jamana tan ni naani ninnu peresidanw, ka fara Faransi ministri ni «FMI» kuntigi kan, olu ye pogonye ke Dakaro, Senegali faaba la. U benn'ka kan, ka do bo sefawari barika la. A nana ke sa Faransi wari tama kelen be ben sefawari dorum mugan ma. A barika tilala fila ye.

Kuma caman fura ko in senkoro. A jirala ko farafina kokan jago barika be ka dogoya ka t'a fe, k'o be ka jamana masina ninnu ka yiriwali segin kofe, u ka fo la. Ala k'an ben sababa ma. Ala ka Mali diya.

Sungalo Tarawele

Faradala - Nuni Kulukoro mara la.

Kibaruseben

Aw ni bala,
Aw ni dunun,
Aw ni wolo,
Aw ni juru,
Aw ni tegere,
Aw ni don.
Ha ! tine na feereba in be ka boje.
Ha ! tegere nin folilaw b'u son.
Bi bi in na, aw be ka
Foli jedon ka t'a fe.
Tine na donkelaw a' b'aw son.
Donkecogo y'aw mine
Aw be s'a la fana
Folilaw, donkelaw,
A' y'aw tulo tugu !
A' y'aw ne tugu !
Oho ! Lagosilibagaw b'u son
Korofolilaw kerebete !
A' kan'u lamen de !
A' kan'u ka fotaw jate de !
A' ka na salaya de !
Hun ! n'a y'u lamen,
Duguw na folibagantanya
Duguw na donkelantanya
Bamananw dun b'a fo ko :
«Dugu jenajentan ye dugu bobo ye.
N balimaw !
N ka feereba in ye mun ye ?
Kibaruseben
N ka folila ninnu ye jow ye ?
Kibaruseben kanubagaw
N ka donkela ninnu ye jow ye ?
Kibaruseben kalanbagaw
N ka lagosililaw ani korofolila
Ninnu ye jow ye ?
Balikukanjuguw.
Folilaw, donkelaw,
Aw ni ce !
Aw ni sebenni !
Aw ni kalanje !
Ha ! tine na aw ye sebenni caman ke.
Maanaw te maanaw ye !
Poyiw te poyi ye !
Sene kunnafoni te kunnafoni ye !
Dugu kunnafoni te kunnafoni ye !
O n'a pogonnaw
Nin caman sebenna.
Nka halisa aw ye t'a fe.
Kibaruseben jigi b'aw kan.
A' ka netaa fan do b'aw bolo de !
Kibaru seben kalanni ka ni.
Nk'a kono kow,
Faamuyaliko numan pogon te de !

Dirisa Bakari Jara
Balikukan karamoro
Diyo-Buwatubugu Kati fe.

Kankelentigiya

Ne be kuma kankelentigiya kan, bawo mogoo te danbe soro fo i ka ke kankelentigi ye. Hadamadenya folofolo ye kankelentigiya de ye; danbe be soro a kono, bonya be soro a kono. Emogo o mogoo, nima sirani dalakan ne, i ka hadamadenya be geleya, bawo halin ikera dutigiye, ite se i ka du koro, sabu e tona se ka tine fo i ka dudenw ye. Fen kelen be hadamadenya kono, fosi te se k'o kelle, fo a yere, n'o ye hakili ye. Hakili be se ka mogoo bila baara numan na; a be se ka mogoo bila baara jugu keli fana la. Mogoo si tun t'a don tubabutile la ko an ka kan be se ka ke seben ye, ka kuma a kono, walima k'a ke seben ye. O sababu bora jor na ? O bora balikukan anikibarula; Ala nikibar sababu y'a to anw kunfinw boradibi la. Sabu n'i y'a jatemic burusi kono dugu caman be se k'u ka sannifeere ke u yere ye. N be kibaru baarakelaw fo. Halibi u k'u cesiri walasa balikukan be se ka barika soro cogo min na jamana kono.

Yaya Mariko

Kalaban-koro-Bamako.

Ka bo Kita Lengkoto



Fanta Fula
Tarawele

Mali b'a yere don.
Mali b'a faso fe.
Senekelaw, monnikelaw, Mali baarakelaw bee, ce fara muso kan, aw bee ye Mali tuloma ye. Mali nemogow, aw ni baara, hakili numan, sabali ani muju.. Aw ka miriya ni yeredon be sabati. Arjomali baarakelaw, jamana be aw lamen kunnafoni nafama la. Balikukan baarakelaw, aw ni timinandiya. Kibaru baarakelaw aw ni yereye baara !

Fanta Fula Tarawele
Kita Lengkoto

San 2002 Kupudafiriki labenni jekulu kuntigi sigira

San 1998, zuwenkalo tile 6, Mali peresidan Alifa Umaru KONARE ye balanna kibaruya do da malidenw tulo kan television na, min ye mogocaman dusukun yereyere.

Hakililajigin siratigé la, an bee lajelen sigilen don n'a ye ko Afiriki balontanna nanaw bëna nögön kunben san 2002, Maliduguba naani kono, «KUPUDAFIRIKI» kadara kono.

San 1998, marisikalo «KIBARU» kono, Mali kunnafonisébenw ciyakeda «AMAP» kuntigi Gawusu DARABO ni Mali ntolatankow jenabò jekulu «FMF» kuntigi Amadu JAKITE ye nögön kumajögonya an ka jamana jigiya jenjén kan san 2002, «KUPUDAFIRIKI» labenni na. «AMAP» kuntigi y'a jira o baro senfe kokibaruya nin diyara malidenw bee ye. Nka kabin'a fodon u ye jore damine, bawo «KUPUDAFIRIKI» labenni te baara nögön ye.

Afiriki balontankow jenabò jekulu «CAF» ye baaraba min don Mali bolo, o doro kelen ye jekulu keréenkérénen do sigili ye senkan, min ben'a bolo bo baara tòw bee la, k'a jésin «KUPUDAFIRIKI» dörön taw ma. O jekulu de bëna Afiriki tulonba in musakaw bee dantigé a n'a baara gelen tòw.

Peresidan Alifa Umaru KONARE ye san 2002 «KUPUDAFIRIKI» jekulu keréenkérénen kuntigi sugandi san 1998, zuwenkalo tile 6 su television na. Ayemogosugandi, maliden kelen si tun sigilen te ni min ye, bawo Sori Ibarahima MAKANGILE dönnen te farikolonenajeko sira kan Mali kono. O temennen kó, bamakokaw



SORI IBARAHIMA MAKANGILE

dakonogesse tun ye mogoc minnu ye «COCAN» jemögoya la san 2002 nanawka «KUPUDAFIRIKI» kunbenw jenaboli la, MAKANGILE tun t'olu cema.

MAKANGILE ye kenyereye baarada kuntigi ye, min be Mali magobatigw ka ton na a be san 14 bo. Wariko jenaboli baaraw dönniyaba b'a la. A sugandilen jamanakuntigi fe, SORI IBARAHIMA MAKANGILE y'a jira bee la, kofasomago mana jo a den fen o fen na, wale o wale tiimeli la, i man kan ka to kó abada o baara la. A ko peresidan ye wele min bil'ale ma, ale kelen dörön kunko te, a ka wele in nesinnen don malidenw bee ma. O de koso, a b'an bee lajelen ka deme jini Mali ka san 2002 «COCAN» baara in na, mintefarikolonenajeko baara dörön ye, bawo jamana ka jetaa baara fana don.

MAKANGILE si ye san 40 ye, musotigi don, den naani bee min bolo. A y'a jira ko ni maliden kelen-kelen bee y'a yere jate «COCAN» mogoc ye, a ka c'a la, an na kunkorota soro san 2002 «KUPUDAFIRIKI» labenni baaraw la. A ka foli la, Burukina sera yoró min ka «KUPUDAFIRIKI» laben, mun bëna Mali dese o baaraw la. Nka,

k'a damine farikolonenajelaw la ka temen hadamadenya ni soro fe fo ka se fangaso ni politiki tonw ma, MAKANGILE b'a jini bee fe, an k'an bolo di nögön ma san 2002, «KUPUDAFIRIKI» baaraw tiimeli kojuman na.

Kunnafonidilaw kelen k'a jininkia k'a ben'a ka baara ni «COCAN» taw ke nögöfe cogo di, MAKANGILE y'u jaabi ko mogoc caman b'ale ka ciyakeda la, minnu be se k'ale nonabila, n'a te yen.

An be kibaruya nin seben waati min na, o y'a soro «KUPUDAFIRIKI» kunbenw ka kan ka ke dugu naani minnu kono, olu ma dantigé folo, ka fara SORI IBARAHIMA MAKANGILE baaraké nögönw kan, «COCAN» jekulu kono.

Hamadi Boli ka jininkali jaabi

Min ye Mali samatasgew degebagu kura SARAMAJA joró ye Mali ntolatannaw labenni na san 2002 «KUPUDAFIRIKI» kuwabaw kama, an be se ka min fo ntola kanubaga n'a lafasabagaw ye Mali kono, o ye ko :»She bila sansara kono, o be shetigi ma; nka she, i ku sin yan, o be she yere ma».

Okorobekene kan, SARAMAJA y'a jira k'a ben'a sekô damajira ke samatasgew labenni na, nkale tena se ka balontan u nona. Dörko fen o fen mana ke SARAMAJA na ntolatanko la, Mali nanaw na bo a nunma o la. Nka Ala yere ko, n'a y'a ka danfen o danfen ye yere deme la, ale b'o tiglamogoc deme. O turma an be sekamfar'okan, «Antereneri» fana dan y'a dan ye.

AFIRIKI JAMANA WYE "KUPUDIMONDI" TANNI DAMINE SAN 1970

Min ye Afiriki jamanaw yeli ye «KUPUDIMONDI» ḥanawka kənew kan, a fōlō kera Marōku jamana ye san 1970. Abor'ola ka na kəjamana 3 ye, san 1994, n'olu tun ye Kameruni ni Marōku ni Nizeriya jamanaw ye. O waati kuntaala bəc kono, Afiriki ka jamana yamaruyalenw bəe lajelen ye ntolatanko 40 dekə, minnu senfə, u ye se soro sijs 10, ka filaninbin 10 ke, k'u gosi sijs 20.

N'an ye Afiriki balontanko taariki fəse-fəse, an b'a ye ko san 34 jijalen kono, an ka jamanaw y'u dəemē-dəemē ka bō jamana kelen na fō ka na se jamana duuru ma bi «KUPUDIMONDI» janjōkənewkan, n'o ye dijs ntolatanna ḥanaw ka kuwaba kənew ye.

«KUPUDIMONDI» damine, Afiriki ma wo ye «Erəpu « ni «AMERIKIDISIDI» jamanaw koro, u tun b'an dasi cogo min, u tun b'an dasi ten. Afiriki jamanaw ye bamananw ka nsana do faamu ani k'o waleya, nsana min b'a fō ko : «muju de bə si bo shékili la». Jamana fōlō minnu ye Afiriki joyorōfa «KUPUDIMONDI» la, oluma səgen, u ma jiné, u m'u bolo fila d'u sen kan, bawo uye kisəya nitiminandiya nicesiri ni dusu don farafinjamanaw mume bəe kono ntolatan na.

Sira waga min bora farafinw ye, o sira jera san 1990, zuwənkalo tile 2, don minna Tinizijamana ye Mekisiki ḥanaw joosi kuru 3 ni 1, OROSARIYO dugu kono. O de kera

Afiriki sijs fōlō ye ka se soro «KUPUDIMONDI» kunbenkənewkan. An bə se k'a fō k'o don de fana siri lakanila ka bō Afiriki jamana ni dijs jamana tōw ce ntolatanko la.

San 1982, «KUPUDIMONDI» min tanna Esipani, Alizeri ni Kameruni jamanaw ye Afiriki joyorō fa. O senfə, setigi jamanaw ye ḥenawoloma ni bənbenben suguya bəe siri an ka ntolatan ḥanaw la, sanko Alizeri yere. Osan, Alizeriye Alimanji gosi kuru 2 ni 1. Otirishi jamana ser'u la o kofe kuru 2 ni 0. Nka, o san kelen, dijs ḥanaw ka kubənw senfə, Alizeri ye ta tugu Shili jamana la, zuwənkalo tile 24, kuru 3 ni 2. O n'a taa bəe, farajew y'u jija ka Alizeri jamana senbə o «KUPUDIMONDI» la. Afiriki ntolatankow ḥenabō jekulu «CAF» ni Alizerikaw ye ko bəe ke, «FIFA» ma son u ta ma.

O «KUPUDIMONDI» kelen na Esipani,

Kameruni jamana ye filaninbin 3 ke Peru ni Pəloji ni Itali jamana fe. Nin bəe y'a jira ko Afiriki tun be sunəgo min na balontanko la dijs kono, a wulila ka b'o sunəgo la.


San 1986 «KUPUDIMONDI» min tanna Mekisiki, Alizeri ni Marōku ye Afiriki joyorō fa. O senfə Alizeri ye Irlandi jamana ci, o k'o Berezili y'u ci ni kuru kelenpe ye. Nka, o n'a taa bəe, jigiya tun b'u ye, min karila u ni Esipani jamana kubənna don minna, bawo olu ye Alizeri walon kuru 3 ni 0. O kera Alizeri senbəlen y'o nəgəndan na.

Min ye Marōku ye, olu ye filaninbin ke Pəloji jamana ni Gilejamana fe. Oko, marōkukawnana Pəritigaliku da jabila nikuru 3 ni 1 ye. Osankər'a sijs fōlō ye, Afiriki jamana ka «KUPUDIMONDI» ntolatanko fōlō kuru temen.

Nka tankofilananna, Alimanji jamana

y'i kankan Marōku ni netaa ce. An ma temen o kan, nka a bə fō bamananw fe ko : «ji be don ko la, dəəni - dəəni».

San 1980 «KUPUDIMONDI» ḥanaw ye nəgən soro Itali jamana kan.



Kameruni Ekipu

Faransi kupudimondi

Afiriki jamana minnu ḥanaw tun b'o kene kan, o ye Misirajamana ni Kameruni ye. Misirajamana y'i kogo da Olandi balontannabaw la; i n'a fo Guliti ni Wani Basiten, ka filaninbin k'u fe kuru 1 ni 1. U boliko filanan na, misirakaw ma se Eri jamana la. O fana kera filaninbin ye kuru 0 ni 0.

O ko, Alimanw nan'u lajō kuru 1 ni 0. A kolsira ko Misirajamana tun be se ka taa ne, n'a tun ye jiranjiran dabila, ka d'a yere la.

Min ye Kameruni warabaw ye halisa mogow ma ḥine Omanı Biyiki ka kunkololabik, aye minkari Arizantini jo kono, ka o don dije ḥanaminenjana Jego MARADONA ka ekipu dasi.

Kamerunikaw boko filanan ye Urumani jamana kunben. Kameruni nankamaden Oroze MILA y'o cebō togo ta ka kuru 2 kari Urumani kaw ka jo la, o y'a soro ntolatan to tun ye sanga 15 doren ye.

Nin cogo de la, Kameruni y'o «KUPUDIMONDI» tanko filanankuru temen. Nka Irisilakaw y'u walon kuru 4 ni 0. Kameruni warabaw ye dimi bo Afiriki bee la ni Kolonbi jamana joosili ye kuru 2 ni 0, Oroze MILA kelen ye min togo ta tuguni. Ala ni Kameruni ni Oroze MILA barika, Afiriki sera «KUPUDIMONDI» tanko sabanan ḥanaw cema. Taalen nefe, u ye gilejamana ḥanaw degun sanga 70 kono ni kuru 2 ni 1 ye. Nka o ntola labanna ni gilew ka se ye dofarakan waati sanga 30 kono ni kuru 3 ni 2 ye. Kameruni y'a seko damajira min k'o senfe, k'a sementiya ko joyoroba ka kan ka di Afiriki ma ntolatan na, o ye «FIFA» wajibiya ka jamana saba


sugandi, minnu ka kan ka Afiriki joyoroba.

San 1994 «KUPUDIMONDI» ḥanaw ye ḥogon kunben lamerikenjamana kan. Afiriki kunkorotabagaw tun ye Maroku ni Kameruni ni Nizeriya y'o kenew kan. Jamana kura min tun be Afirikife, oye Nizeriya ye. Nizeriyakaw ye Biligarijamana gosi uboko folokuru 3 ni 0. Kameruni ni Suwedi jamana ye filaninbin ke kuru 2 ni 2. Belizikijamana y'i wasa don Maroku la kuru 1 ni 0.

Tanko filanan na, Arizantini n'a ka nankamaden Jego MARADONA falen dorogu la, ye Nizeriya ci kuru 2 ni 1. Makanjamana ye Maroku lajō kuru 2 ni 1. Berezili jamana ye Kamerunikaw

k'u sago ye ni kuru 3 ni 0 ye.

Tanko sabanan fana ma diya Afiriki jamanaw la, bawo Irisilakaw ye Kameruni mine i ko Ala m'u da, k'u walon kuru 6 ni 1. Olandiye Maroku to



Oroze Mila

lase ni kuru 2 ni 1 ye. Nizeriya doren de sera ka doonin ke, bawo olu ye Geresi jamana gosi kuru 2 ni 0. Nka o jigifako danna sira la Itali fe, min ye nizeriyakaw to tulonke la, k'u lajō kuru 2 ni 1.

«KUPUDIMONDI» jamana tun ye 24 ye. Nka u ye yelema don o la minke, k'a ke jamana 32 ḥanaw ye, ohukumukono Afiriki joyorofabagaw kera jamana 5 ye, »CAF« ye minini dije ntolatanku ḥenabo jekulu «FIFA» fe.

An be minnini Afirikijamana 5 ḥanaw fe, o siratige la, minnu be Faransi «KUPUDIMONDI» kenew kan, n'o ye Kameruni ni Maroku ni Nizeriya ni Tinizi ni Afirikidisidi ye, u k'u jija k'an kunnawolo, k'a jira «FIFA» ni ntola kanubagaw n'a lafasabagaw bee la dije kono, ko joyor 5 minnu dir'an ma, an n'a ka kan, bawo an m'a soje.

HEREKURA

«KUPUDIMONDI» hukumu kono, Malima tokontola kanubagaw n'a lafasabagaw ladiyali sira kan, sanko kin minnu ka jan Bamako cemance la, olu mogow. Bamako dafcia kin mogo minnu ladiyara, u ye television lajeyoroba dow laben olu ye Sabalibugu ni Namakoro ni Janegelanii Sikoroninni Sebenikoro. Nin kinw funankeninw be se k'u ne daamu bo Faransi kunbenw kan don o don k'a soro, u ma dorome kelen bo. Nin wale min togodara «HEREKURA», a kebagaw ye Mali kunnafoni sebeniciyakeda «AMAP» ni «ARAO MALL» ni Mali kuranko ni jiko seriwusi «EDM» ye.

Faransi kupudimondi jatew

«KUPUDIMONDI» min be ka tan Faransi, ekipu 32 de be ka dogn soro farikolojenajeyoro 10 kan, ntolatank 64 senfe. Balontanna 704 de be k'u kuwa da nogn na tile 33 kono. Jamana werew ekipu lafasabaga minnu taar'u nedanben ninnu kan, o hake be t'i jo 500.000 nognna la. Tiribini sigiyor kelen wari kasabi be ben dorome 2900 ma. Nka, zulyekalo tile 12, n'o be ben janaminjanaw ka kunben ma, n'o ye finaliye, o sigiyor kelen songo be se sefawari dorome 60.000 ma. Yuruguyurugu wogow

be na biye feere finali don fo ka se dorome 1.000.000 ma.

A jirala ko biye minnu feerela k'a ban, o be se miliyon 3 ma.

Ajirala ko Faransi «KUPUDIMONDI» labenni kasabi taar'i jo sefawari miliyari 940 la. Nafolo kasabi min be na soro ntolatanw senfe, o hake min be na di dinen ntolatankow jenabu jekulu «FIFA» ma, o be ben sefawari miliyari 32 ma. «FIFA» fana ka kan ka nafolo min di ekipu 32 bee lajelen ma, o kasabi be ben sefawari miliyari 50 ma. O kerfe, Faransi jekulu min ye «KUPUDIMONDI» laben, n'o ye «CFO» ye, «FIFA ka kan ka sefawari miliyari 20 d'o ma.

Ajirala ko mog hake min ka kan ka Faransi ntolatanw bee lajelen laje telewison na, o be se mog miliyari 37 ma, minnu cema kunben laban doron, n'o ye finali ye, o filibagaw hake bena ke miliyari 2 iannu ye. Dine ntolatankow jekulu



"kupudimondi"

“FIFA» y'a nini jamanaw fe, minnu b'a fe ka Faransi «KUPUDIMONDI» kunbenw laje u ka telewison na, olu ka sefawari miliyari 56 sara. Lakanani sira kan, Faransi polisi ni santarama mog 6000 tila - tilala «KUPUDIMONDI» dugu 10 ni nogn ni minna ce ntola kunbenw bena tan minnu

kono. Sogos 300 be ka olu deme hadamadenw ni yow lakanani baaraw la. U ka kolosili fanba bena nesin balontanna jiginyow n'u fasafonikenew ma ani ka tugun uko u ka taamaw senfe dugu kono ani dugu ni wogol ni wogol ce.

Dogoto faamuyalenba 110 bena deme don mogow ma : Ntolatannaw fara filelike law kan, farikolojenajeyow la. Dogoto misennin 100 be ka furakeli ke ntolatankenew kan. Ekipu dankoroba laban fila minnu bena kuwaba ke kupu nogn, n'o ye «KUPUDIMONDI» ladiyalifenba yereye, zulyekalo tile 12, min mana se soro olu fila la, o be

kupu min yanga ninan, o girinya ye kilo 5 nogn ye. Kupu in ye sanukuturu de ye, malasa doonin be min na.

Kupu in dilanbaga ye Italika do ye, n'o otoko Siliwiyo GAZANIGA. Dan te «KUPUDIMONDI» nafa la.

TULON

Nin desen fila dilanbaga y'a dab'a kama, ka fili 10 k'u la. A' y'olu nini.




1) Ce numante bolokala. 2) Filialin, min be tegede knd. 3) Uugu db be pantalan kan. 4) ja be sigillan sen ds kan. 5) Sigillan jittid un sanfela. 6) Wallaritilin min be kogo kan numante. 7) Siyo min be duguma. 8) Ce kininte datiruk. 9) Wallaritilin min be dogodogo la. 10) Sigillan jittid min be ce senkala krd, numante.

KCR

JAMANA MINNU YE KUPU DIMONDI TA KA TEMEN



Berezili Ekipu san 1994



Kupu file Oromariyo Bolo

Kabini «KUPUDIMONDI» dara don fôlomin na fôsisan, jamana minnu y' a ta, olu file :

Urugayi y'a ta san 1930 ani san 1950. Italiy'a sôrosan 1934, 1938 ni 1982. Alimanji y'a yalon san 1954,

1974 ani 1990. Arizantini y'a ta san 1978 ni 1986. Anglejamana y'a sôrò siné kelen, n'o kéra san 1966. Nka ñanaminenjana ye Berezili jamana ye, bawo ale kelen de sera ka «KUPUDIMONDI» yalon siné 4 diñe

kong, w'a si kelen ma ta a ka laben n'aka jamana kan, san 1958 Suwedi jamana kan ani san 1962 Shili jamana kan, san 1970 ta kéra Mekisiki jamana kan, ka laban ta san 1994 Lamerikenjamana kan.

Basiriki TURE

San 1998 kupudimondi kulu 8

K'a damine san 1998, zuwenkalo tile 10 na fo ka t'a bila zuluyekalo tile 12 la, diñe ntolatan ñanaw y'u ka kuwabaw damine Faransi jamana kan. Jamana minnu ka balontanna ñanaw bë Faransi an bë don min na, i ko bi, olu tilalen don kulu 8 minnu ni ñögön ce, olu file :

- 1 - Berezili, Ekosi ni Maroku ni Norwesi
- 2 - Itali, Shili, Kameruni ni Otrishi
- 3 - Faransi, Afirikidisidi ni Makanjamana ni Danimariki
- 4 - Espanji ni Nizeriya ni Parageyi ni Biligari
- 5 - Olandi ni Beliziki ni Koredisidi ni Mekisiki
- 6 - Alimanji ni Amerikenjamana ni Jugosilawi ni Iran
- 7 - Urumani, Kôlonbi ni Gilenjamana ni Tinizi
- 8 - Arizantini ni Zapôni Zamayiki ni Korowasi

"AMAP" kuntigi

Gawusu DARABO

Mali kanw kunnafonisebenw

baarada kuntigi

Nenze Samake

Kibaru

BP : 24 Telefon: 22-21-04

Kibaru Bugufiye Bozola

Bamako -Mali

Dilanbagaw ni sebenbagaw kuntigi

Basiriki Ture

Sebenbagaw kuntigi

Badama Dukure

Labugunyoro: Kibaru gafedilan baarada

Bolen Hake 16 000